



UNIVERSITÄTS-
BIBLIOTHEK
PADERBORN

Vitæ Pontificum Romanorum

Ex Antiquis Monumentis Collectae

Sandini, Antonio

Bambergae, 1753

CCIX. Eugenius IV. Anno Christi 1431. Sigismundi Reg. 21. Joan. VII.
Palæol. 8.

[urn:nbn:de:hbz:466:1-65477](https://nbn-resolving.org/urn:nbn:de:hbz:466:1-65477)

CCIX.

EUGENIUS IV.

ANNO CHRISTI 1431.

SIGISMUNDI REG. 21. JOAN.
VII. PALÆOL. 8.

EUGENIUS IV antea *Gabriel Condulmerius* Angeli filius, Venetus Patricius, Gregorii XII ex sorore nepos, Canonicus Cælestinus congregationis S. Georgii in *Alga*, Cardinalis Episcopus Senensis anno 1431. V. Nonas Martii creatus est Pontifex. *Hic staturâ fuit procerus, gratiosus aspectu, nec animo minor, liberalissimus ad pauperes, ad reparationem Ecclesiarum munificus, religiosos Deum timentes eximio fovebat affectu pariter & effectû, cultûs divini & Christianæ religionis dilatandæ zelator præcipuus.* (1) Sub ipsum Pontificatûs initium ed intendit curam omnem, ut Sectam Hussitarum per Bohemiam latè grassantem aboleret. Eam ob rem Juliano Cardinali Cæsario, quem Martinus V. ejus decessor legaverat Basileam ad Concilium generale celebran-

randum, legationem affirmavit, mandavitque, ut datum sibi negotium conficeret. At Concilium successu caruit. Illud siquidem diremit Eugenius, ac Bononiam transtulit. Translationis decreto restitère Patres Basileenses, quibus Julianus ipse Legatus imprudens favit. Nec antè finis contentionum fuit, quàm Eugenius Sigismundi Regis, Romæ postea insignibus Augustalibus ab se exornati, suasionè permotus, & schismatis metu victus permisit, ut Basileense Concilium instauraretur. Itaque præsentibus Eugenii Legatis continuatum est ab *Sessione* 17. ad quintam usque & vicesimam. In hac enim ortum est dissidium inter Patres de loco celebrandi Concilii pro reconciliatione concordiae inter Græcam & Latinam Ecclesiam: consentibus aliis unà cum Eugenii Legatis, celebrandum Florentiæ, vel Utini, aut quocunque magis Pontifici libuisset loco: aliis Basileæ, vel Avenione, aut in Sabaudia. Pontifex accedens primis Concilium transtulit Ferrariam: quâ re offensi factiosi quidam ex Patribus (nam plerique stete-

Rayn. an.
1432 §. 19
Spond.
§. 2.

Rayn. an.
1433 §. 1.
14.
Spond.
§. 1.

Rayn. an.
1434 §. 14
Spond.
§. 2.

Rayn. an.
1437 §. 1.
Spond.
§. 1.
2. 3. 7.

Sess. 33.

Hhh § runt

Rayn. an. 1439. §. 30. Spond. §. 30. 44. runt à Pontifice) ausu temerario ratum rursus, & quidem tanquam veritatem *Fidei Catholicæ* id esse iusserunt, quod Concilium Constantiense decreverat, scilicet Concilii generalis auctoritatem antecellere auctoritati Pontificis Summi, nec licere Pontifici Concilium generale *sinè ejus consensu dissolvere, prorogare, transferre.* Eoque demum progressi sunt, ut Eugenium deicerent Pontificatu, & nomine *Felicis V.* subrogarent *Amedeum*, qui ante annos quinque Ducatu Sabaudiaë abdicato, vitam agebat solitariam. Eugenius nihil deterritus, dicto in factiosos anathemate, Concilium Ferrariæ inchoavit, quod, cum gravis per Urbem pestilentia incidisset, Florentiam transtulit, atque inde Romam, *ut majorem auctoritatem etiam ex loco susciperet.* (2) Febri consumptus est anno 1447. VII. Kal. Mart. post annum Pontificatus fere decimum sextum, ætatis sexagesimum sextum vel quartum, *integro sensu atque aspectu,* ut ait S. Antoninus, qui decumbenti præsto fuit ad extremum. (3)

Rayn. an. 1447 §. 13. Spond. An. 1446. §. 10. In Chron. p. 3. tit. 22. cap. 11. §. 18.

AN.

ANNOTATIONES.

(1) S. Antoninus 3. part. Chron. tit. 22. cap. 10

(2) Augustinus Patricius in Historia Concilii Basileensis & Florentini apud Labbeum tom. 13. Conc. pag. 1599.

Concilii Basileensis acta continentur *Sessio-
nibus* quinque & quadraginta. Legitimum
& Oecumenicum fuit sub initium duntaxat:
insurgens postea contra Pontificem evasit
in Conciliabulum Satanæ, & saniores Epis-
copi subduxere se de eo. Hinc ejus sanctiones
vanæ, & *Amedeus* susceptus Eugenio IV.
Pontifex falsus. Vide Bellarminum lib. 3. De
Ecclesia militante cap. 16. ad 6.

Concil.
Basileen-
se.

Hoc est Concilium Florentinum, Oecu-
menicum XVI. Habetur velut quædam
continuatio Concilii Basileensis, quod post
Sessionem 25. desit esse Oecumenicum.

Concil.
Oecum.
XVI.

Patrum enim pars major consentiens Eu-
genio IV. se contulit Ferrariam, ubi anno
1438. V. Idus April. inchoatum est Concili-
um ad Græcos reconciliandos cum Latinis.
Interfuerunt Episcopi 140 in iisque Josephus
Patriarcha Constantinopolitanus, Bessarion
Antistes Nicænus, Isidorus Theffalonicensis,
Marcus Ephesinus. Adfuit etiam Joannes
VII. Palæologus Orientis Imperator. præ-
fuit ipse Eugenius IV. Quinque & viginti
numerantur *Sessiones* hujus Concilii. Sexde-
cim habitæ sunt Ferrariæ, Florentiæ verò
reliquæ. De rebus Græcos inter ac Latinos
controverfis disceptatum est, sex utrinque
de-

delectis ad disceptandum. Græci omnes extra unum Marcum Ephesinum consentire, Spiritum Sanctum procedere à Patre *Fili*que, vocémque *Fili*que declarandæ causâ veritatis rectè insertam Symbolo, quamvis ipsi eam Symbolo suo inserere noluerint: Eucharistiæ Sacramentum in azymo pane juxta atque fermentato confici, nemini tamen licere mutare ritum Ecclesiæ suæ: esse locum, in quo piorum animæ sejunctæ à corpore, siquid diluendum superfit, ad definitum tempus cruciatæ expiantur, eisque preces Christianorum & sacrificia prodesset: puras è contrario, omnisque macula expertes ad optatissimam beatitudinem, quæ in Dei visione consistit, statim advolare: denique Pontificem Romanum in Ecclesia universâ *Primum* obtinere. Sic reconciliata pax, quæ tamen brevis admodum fuit. Græci enim vix in patriam reversi, auctore Marco Ephesino Metropolitâ, renovarunt schisma antiquum, in quo ad hodiernam diem perseverant post duodecimam, seu decimam quartam cum Latina Ecclesia reconciliationem. Namque S. Antoninus 3. part. Chron. tit. 22. cap. 13. hanc duodecimam appellat, alii verò apud Spondanum ad an. 1274 § 8. eam faciunt tertiam decimam, quæ in Concilio Lugdunensi II. Oecum. XIV. facta est. Post Græcorum discessum edidit Eugenius decretum Armenis in Catholica Fide erudiendis, recipiendisque in societatem Romanæ Ecclesiæ. Accesserant enim Legati *Primates* seu

seu *Catholici Armenorum* id petentes. *Jacobitas* quoque, emissio pro eorum institutione decreto, conjunxit cum Ecclesia *Catholica*: item *Æthiopes* seu *Abissinos*, quorum Imperator *Constantinus* cognomine *Zerah Jacob*, id est *semen Jacob*, vulgò *Presbyter Joannes*, invitatus ad suscipiendam *Christianorum* religionem miserat Legatos suos, quos Romæ anno 1442. Concilio in *Basilicam Lateranensem* translato, *Eugenius* suscepit.

(3) *Paulus Æmilius* De rebus gestis *Francorum* lib. 10. pag. 225. *Id Eugenii felicitati tributum est, quod nulli ante postve ad hanc diem Pontifici, ut duo Cæsares Græcus Latinusque eum adirent, parentem Orbis terrarum profiterentur.*

CCX.

NICOLAUS V.

ANNO CHRISTI 1447.

FEDERICI III. REG. 8. JOAN.
VII. PALÆOL. 24.

NICOLAUS V. ortu *Sarzanensis*, vir *Theologicâ* doctrinâ illustris, anno 1447. pridie *Nonas Mart.* à *Car. Rayn. an. 1447. §. 15. 16.* *dinalibus* decem septemque in *Pontificatu* collocatus est. Rogatus, & recusans